

李延平集

卷上

李延平集

福州正誼
書院藏版

原序

篤學積行之躬日用尋常眞實爲己不求知於世世亦莫知也然而守其所學待諸其人前不忘師傳之所自後以啓授受之源流天下後世終有能知之者其惟延平李先生乎先生少豪邁及涵養精粹終日無疾言遽色恂恂焉溫謙慤厚當其時鄉黨稱善人已耳顧能紹豫章之學獨深得其闕奧開道南祕鑰於紫陽經學純明答問不倦雖以集羣儒之成如朱子者往往親承服教久而莫見其涯此其學問本原之地亦豈鄉黨中人所及知者先生初見羅豫章謹欲操被篲幾年於茲徒以習舉子業不得服役

門下及豫章令先生於靜中看喜怒哀樂未發前氣象而
求所謂中者由是切實體會道日盛學日彰則已無復應
舉陶然自樂信乎足於中無待於外默坐澹心加功日用
所謂賴天之靈此道常在心目者也趙致道曰李先生之
學不但得於所授其心造之妙實有先儒之所未言者誠
知先生哉夫先生與韋齋爲同門友數十年道誼之契甚
深朱子幼時承遺命師事籍溪及二劉草堂屏山而於先
生猶以父執事之也至誦所聞於先生先生獨未之許嗣
領簿同安反復先生言若有所得遂徒步往從蓋其相契
合於觀感者深矣先生不著書又不喜作文然讀朱子所

編答問解經精賞析理毫芒至示學者入道之方又循循
有序理一分殊徹始徹終惟先生以是爲學卽以是教人
故紫陽淵源有自得以大廣其傳聖學光昌而道南一脈
衍洛閩之緒於無窮皆先生貽之也彼自號著書爲文者
縱索牘盈笥獨能與先生比烈哉噫天下後世尙有未能
知先生者亦徒爲鄉曲中人而甘自見棄於先生已矣爰
書而爲之序

康熙四十八年己丑孟冬穀旦儀封後學張伯行書於榕
城之正誼堂



此乃五言詩一首其詞甚佳

此乃五言詩一首其詞甚佳

此乃五言詩一首其詞甚佳

此乃五言詩一首其詞甚佳

此乃五言詩一首其詞甚佳

此乃五言詩一首其詞甚佳

此乃五言詩一首其詞甚佳

此乃五言詩一首其詞甚佳

李延平先生文集目錄

卷之一

書

謁羅先生書

與教授公書

又小簡借台衡遵堯二錄

又與教授公書

與羅博文書

與劉平甫書

又與劉平甫書

達朱韋齋暨吳少琳書

行狀

吳方慶先生行狀

詩

上舍辭歸羅先生詩

梅林春信詩

靜庵山居詩

卷之二

答問上

卷之三

答問下

卷之四

附錄二十二則

朱文公撰李先生行狀

朱文公祭李先生文

又

朱文公輓李先生詩

其二

其三

七

宋史本傳

李侗字愿中南劍州劍浦人年二十四聞郡人羅從彥得河洛之學遂以書謁之從之彖年授春秋中庸語孟之說從彥好靜坐侗退入室中亦靜坐從彥令靜中看喜怒哀樂未發前氣象而求所謂中者久之而於天下之理該攝洞貫以次融釋各有條序從彥極稱許焉旣而退居山田謝絕世故餘四十年飲食或不充而怡然自適事親孝謹仲兄性剛多忤侗事之得其歡心閨門內外夷愉肅穆若無人聲而眾事自理親戚有貧不能婚嫁者則爲經理賑助之與鄉人處飲食言笑終日油油如也其接後學答問

不倦雖隨人淺深施教而必自反身自得始故其言曰學問之道不在多言但默坐澂心體認天理若是雖一毫情欲之私亦退聽矣又曰學者之病在於未有灑然冰解凍釋處如孔門諸子羣居終日交相切磨又得夫子爲之依歸日用之間觀感而化者多矣恐於融釋而脫落處非言說所及也又曰讀書者當知其所言莫非吾事而卽吾身以求之則凡聖賢所至而吾所未至者皆可勉而進矣若直求之文字以資誦說其不爲玩物喪志者幾希又曰講學切在深潛縝密然後氣味深長蹊徑不差若槩以理一而不察其分之殊此學者所以流於疑似亂真之說而不

自知也嘗以黃庭堅之稱濂溪周茂叔曾中灑落如光風
霽月爲善形容有道者氣象嘗諷誦之而顧謂學者存此
於曾中庶幾遇事廓然而義理少進矣其語中庸曰聖門
之傳是書其所以開悟後學無遺策矣然所謂喜怒哀樂
未發謂之中者又一篇之要指也若徒記誦而已則亦奚
以爲哉必也體之於身實見是理若顏子之歎卓然若有
所見而不違乎心目之間然後擴充而往無所不通則庶
乎其可以言中庸矣其語春秋曰春秋一事各是發明一
例如觀山水徒步而形勢不同不可拘以一法然所以難
言者蓋以常人之言推測聖人未到聖人灑然處豈能無

失耶侗旣閒居若無意當世而傷時憂國論事感激動人
嘗曰今日三綱不振義利不分三綱不振故人心邪僻不
任所用是致上下之氣間隔而國事日衰義利不分故自
王安石用事陷溺人心至今不自知覺人趨利而不知義
則主勢日孤人主當於此畱意不然則是所謂雖有粟吾
得而食諸也是時吏部員外郎朱松與侗爲同門友推重
侗遣子熹從學熹卒得其傳沙縣鄧迪嘗謂松曰愿中如
冰壺秋月瑩徹無瑕非吾曹所及松以爲知言熹亦稱侗
姿稟勁特氣節豪邁而充養完粹無復圭角精純之氣達
於面目色溫言厲神定氣和語默動靜端詳閒泰自然之

中若有成法平日恂恂於事若無甚可否及其酬酢事變
斷以義理則有截然不可犯者又謂自從侗學辭去復來
則所聞益超絕其上達不已如此侗子友直信甫皆舉進
士試吏傍郡更請迎養歸道武夷會閩帥汪應辰以書幣
來迎侗往見之至之日疾作遂卒年七十有一信甫仕至
監察御史出知衢州擢廣東江東憲以特立不容於朝云
先生行狀出於朱夫子之手誌銘爲汪學士應辰作言
皆有道宋史因之而成文故簡潔精粹可以起人景仰
之思

年譜

宋哲宗元祐八年癸酉先生生於南劍州之劍浦縣

紹聖元年甲戌先生二歲

元符元年戊寅先生六歲

徽宗建中靖國元年辛巳先生九歲

崇寧元年壬午先生十歲

大觀元年丁亥先生十五歲

政和元年辛卯先生十九歲

按先生行實云先生幼警悟既冠遊鄉校有聲雖不誌其歲約在政和初也

六年丙申先生二十四歲受學於羅豫章先生之門